



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Articulus II. De his, qui habent potestatem eligendi.

---

[urn:nbn:de:hbz:466:1-73031](#)

suo Monasterio, vel Collegio legitimè habentus esse possellum, ea ratio in tali casu locum non habet. Cæterum, ut tenet glossa magna ad med. in c. *Contingit, de dolo, & gloss. in cit. reg. 1. V. beneficium,* iste casus specialis est, *in quo præscriptio non currit.* Unde, à principio canonicanam institutionem non habentes, beneficium Ecclesiasticum non præscribunt, quamvis cum titulo colorato, & bona fide possideant; sic Covarruvias *ad regnū Possessor, p. 2. §. 10. n. 9.* & alij, quos citat, & sequitur Barbosa h̄ic n. 6. Ratio est, quia ingressus in beneficium sine canonica institutione, *vitiōsus est* per dict. reg. 1. talis autem ingressus prohibetur in c. *unic. de eo, qui mittitur in possess.* in 6, deinde beneficia Ecclesiastica licet non obtineri sine canonica institutione, est *iuris publici;* iura vero publica non præscribuntur, *I. præscriptio, C. de operibus publ.* ibi: *juri publico non debet obſistere.*

1820.

Collig. 3. Clericum, liec̄ sit in quieta possessione sui beneficij, teneri ostendere *titulum possessoris*, si requiratur ab ordinario Superiore; sic Covarruvias *cit. n. 9;* Navarrus *de offic. ordin. consil. 4.* & quamvis per regulam *de triennali possessori excludatur* tertius ejusmodi Clericum inquietans in beneficio; non tamen excluditur ordinarius, ut notat Zerola *in praxi Episc.* p. 1. *V. Balle, V. ad quintum,* & alij; quibus præmissis, procedendo ad electionem canonicanam, seu strictè sumptam, quæ scilicet definitur personæ idoneæ ad Ecclesiæ vacantis Pastoralem dignitatem, seu Prælaturam; per eos, quibus jus eligendi competit, canonica vocatio, prout sumitur ex c. *cum in cunctis, & c. quia propter, h. t. junct. gloss. in c. unic. de postulat.* in 6. *V. vera postulatio;* per singulas partes *exponenda* venit.

1821.

Dicitur 1. *ad Ecclesiæ vacantis pastoralem dignitatem.* Nam electio strictè sumpta solum fit ad Ecclesiæ vel sacerdtales, vel Regulares *vacantes*, hoc est, viduatas pastore suo, qui tanquam caput, vel per modum capitis, seu Prælati cum jurisdictione ordinaria, seu generali præsit, & cui omnes, qui in eadem Ecclesia sunt, subjecti sint. Colligitur ex c. *quia propter, cit. ibi: Ecclesiæ viduatae provideant de Pastore,* V. Azor p. 2. l. 6. c. 14. q. 2. & 5. Observandum autem. 1. quod si electus

*ante confirmationem moriatur, beneficium non vacet per illius, sed per obitum præcedentis possessoris;* Streinius p. 1. tit. 5. §. 2. n. 2. deinde non censeri Ecclesiæ *vacare,* seu viduari per obitum inferiorum dignitatum, personatum, &c. quia habentes ista non sunt caput, seu Prælatus talis Ecclesiæ cum jurisdictione ordinaria, & generali; sic Pirhing *de elect. n. 1. §. dicitur primo.*

Dicitur 2. *electio, vocatio canonica,* seu solennis, in qua scilicet servatur forma eligendi à sacris canonibus præscripta, de qua dicam in seqq. advertendum autem, dici *vocationem* potius, quām *institutionem*, ut distinguatur à reliquis modis acquirendi tum inferiora beneficia, tum dignitates ac Prælaturas. Nam alijs modis, quām per electionem acquiri posse beneficia tam duplia, quām simplicia, constat ex dictis. Nec enim omnia sunt electi, sed multa collativa; collatio enim acceptata confert jus *in re ipsius beneficij collatione;* electio autē acceptata solum jus *ad rem, ante confirmationem;* Exitav. *ad regime, de præbend. inter comunes.* Secundo beneficia electiva non vacant ante confirmationem per obitum electi, noti confirmationi. Tertiò electus ante confirmationem potest liberè renuntiare beneficio, seu prælaturæ etiam sine consensu Superioris; & ante confirmationem non potest administrare; de quibus plura in sequentibus.

## ARTICULUS II.

*De his, qui habent potestatem eligendi.*

Jus eligendi pēnes Collegium est, c. 1. *de elect. ubi dicitur, quod in Ecclesia, seu Congregatione Ecclesiastica Prælatus, per congregationem, seu Capitularium electionem præfici debeat;* si vero alter quis Ecclesiæ assedit, tanquam qui per cupiditatem, & contra canonice regulæ disciplinam ingressus, removendus fit, & si quis aliter, quām per canonicanam electionem ad Prælaturam assumatur, nimis ab his, qui jus eligendi non habent, nulla, & invalida sit promotio, & habeatur pro *intruso*, atque adeo debeat remoyeri; quia non per legitimam viam in Ecclesiæ est ingressus; si autem quāras, quid

quid sit *Collegium*? Resp. ex communi plato juxta L. *Neratius*, ff. de verb. signific. statui, *collegium*, esse congregationem, quam ad minus tres facere possunt. Nam duo faciunt *congregationem*; *Collegium*, tres; *populum*, decem; *turbam* 25. *gremium*, quinque porci, vel decem oves, ut notat Bernard. c. 1. de elect. Vid. gloss. in c. 1. 10. q. 1. Ceterum per *Collegium* hic intelligitur *catus Clericorum*, qui ut fratres, seu membra, constituunt unum corpus Ecclesiasticum, seu congregacionem, cuius caput sit *Prælatus à congregacione*, seu collegio eligendus, vocanturque *Canonici*, seu *Capitulares*. *Collegium* dicitur *Ecclesiasticum*, si major pars fuerit Clericorum, imò data æqualitate juxta Panormitanum in c. ex literis, de constit. quia magis dignum trahit ad se minus dignum, c. quod in dubijs, de consecr. Ecclesiar. Differre *Collegium à Societate*, tradit Sylvester V. *Collegium num. 2. ex L. 1. ff. quod cujusque universitatis nomine*; ubi dicitur, quod socij alicujus congregationis possint facere *collegium*; ergo *societas non est collegium*. Accedit, quod *societas morte unius socij solvatur*, L. adeo pro socio: at *collegium* in uno residere potest, L. *Sicut, ff. quod cujusque universitatis*. Unde sicut grege legato, si unum solum animal remanserit, peti potest, L. *Sigrege, ff. de legat. 1. sic si unus tantum Canonicus remaneat, potest à Superiore petere, ut Ecclesiæ provideatur*; Baldus in L. ult. ff. de negotijs gestis. Collegij appellatione veniunt etiam monasteria, & conventus religiosorum, ut tradit Gonzalez ad rez. 8. *Cancell. gloss. 8. nu. 5.* Licet autem *Collegium Canonicorum* in se non habeat *prælatum Episcopalem*, potest tamen dare non auctoritate propria, sed ex potestate officij sibi concessi à jure canonico, vel vi ejus à Papa; Abbas in c. 1. de elect. n. 9.

Ex dictis colliges, Clericis, qui non sunt membra Capituli, de jure communni, non competere jus eligendi *Prælatum*, juxta glossam communiter receptam in c. penult. de cleric. non resident. V. *Affissos*; & Abbatem in c. 1. h. 1. n. 2. & 11. Barbosa de offic. Episcopi, p. 1. tit. 1. c. 3. n. 16. *Capituli* enim appellatione non continentur Clerici, quantumvis beneficiarij, sed soli *Canonici*, ut tenet Abbas in c. *Script.*

Tom. I.

ptum, n. 4. de elect. & Rota in Romana Concord. 3. Aprilis, 1609. coram Cardin. Cavallerio impressa per Farinaciū decis. 183. n. 1. id, quod colligitur etiam ex c. *Cumann. 50. h.t. ita Layman in cit. c. 50.* nam illi per se non faciunt unum corpus, seu *Collegium*; sed ministrant Ecclesiæ duntaxat ut personæ singulares, sicuti annotavit gloss. recepta in c. penult. V. *Affissos, de cleric. non resid.* & constat ex c. *dilecta*, 14. junct. gloss. V. nec sint unum corpus, de excess. *Prælator*. ubi habetur, quod eiusmodi Clerici, servientes Ecclesiæ, non possint habere sigillum in communione.

Collig. 2. eti Collegium sive Ecclesiasticum, sive civile, ab initio constitui non possit, nec ejus jura conferri, nisi saltem tres sint, qui congregentur: si tamen semel constitutum sit, ejus jura conservari posse in duobus, imò etiam in uno, c. nullus, 1. de elect. ibi: in Ecclesia, ubi duo, vel tres fuerint in Congregatione, nisi eorum electione canonica, Presbyter eligatur, sic Lucius Papa, & Barboia in c. nullus cit. sed si sit tantum unus, se ipsum eligere non poterit, argum. c. per nostras, 26. de jure Patronatus, ibi: nullus se potest ad personatum alicujus Ecclesiæ presentare quantumcumque idoneus sit, & quibuscumque studijs, & meritis adjuvatur.

Quæstio nunc est 1. an omnes, qui sunt de Collegio, vel Capitulo, habeant vocem activam, seu jus eligendi? Resp. habere eos tantum, qui sunt in sacris, ex Trid. sess. 22. c. 4. de reform. ibi: quicumque in Cathedrali, vel Collegiata, seculari, vel regulari Ecclesia divinis mancipatus officijs, in Subdiaconatus ordine saltem constitutus non sit, vocem in hujusmodi Ecclesiis non habeat in Capitulo, etiam si hoc sibi ab alijs liberè fuerit concessum. Sufficit tamen, quod *Canonicus* in principio electionis, esto non initio *vacationis*, sit in sacris, gloss. in Clem. 2. de etate, & qualit. V. *constitutus*. Et sic *Canonicus* non constitutus in sacris electioni interdit, electio ob id non est irrita, sed ejus suffragium non est numerandum, secundum Azor cit. l. 3. c. 11. q. 20. quia vox ejus est vox non habentis facultatem eligendi. Et ideo *Canonicus*, qui nondum est constitutus in sacris, non est exspectandus, licet ordinati velit infra terminum eligen-

D d d

di à

di à jure præfixum; id, quod etiam di-  
cendum est de Capitulari impubere, cuius  
pubertas citò finiretur; & absente, qui a-  
lioquin vocatus venire non potest, aut non  
vult: & de excommunicato, parato abso-  
lutionem procurrare; & de Novitio, in  
brevi professuro; sic glossa in Clement. 2.  
cit. V. *constitutus*, Vid. Azor p. 2. lib. 6.  
c. 14. quæst. 6. in fin. Unde si initio va-  
cantis Ecclesiæ nullus è Canonicis, seu Ca-  
pitularibus esset in Sacris, jus eligendi ad  
Superiorem devolveretur, sed obligatum  
exspectare terminum electioni præfixum,  
ita, ut si ad illum terminum interim aliqui  
eorum susciperent Ordinem Sacrum, de-  
volutioni non esset locus, argum. c. *comis-  
ta*, de elect. in 6. de quo Laymann lib. 3.  
*Theolog. Moralis tract.* 4. c. 16. num. 12.

1825. Quæstio est 2. an ex consuetudine, vel  
privilegio, illi etiam, qui de Collegio non  
sunt, interesse electioni possint? Respond.  
quod sic, ex c. *Cumana* 5. de elect. junct.  
gloss. V. *consuetudine*, quod maximè proce-  
dit de Principibus, & Patrono, ac eo etiam,  
qui est in quasi possessione juris eligendi,  
aut presentandi. Hinc ulterius dicen-  
dum, quod ejusmodi præsumptus Elector  
(qui scilicet est in quasi possessione juris e-  
ligendi) validè eligat, ac præsentet, licet  
postmodum in iudicio causâ cadat. Nam  
prædicti actus eligendi, vel presentandi  
tenserunt fructus beneficii, aut patrona-  
tus. Unde sicut possessio bona fidei fru-  
ctus validè alienat; sic præsumptus Elec-  
tor validè eligit; Streinius p. 1. *Jur. Can.*  
rit. 6. Q. 2. n. 4.

Dixi ex consuetudine eos etiam, qui de  
Collegio non sunt, interesse electioni pos-  
se, prout aperte constat ex cit. c. *Cumana*.  
Verum interesse cum jure suffragii, non  
dat, nisi consuetudo legitimè prescripta;  
nec ex eo, quod tales duabus Episcoporum  
electionibus priùs interfuerint, rite constat,  
id eis competere de consuetudine præscri-  
pta, licet eorum vota fuissent inquisita, vel  
ipsi aliquos elegissent. Hujus ratio est,  
quia textus expressè loquitur de consuetu-  
dine præscripta; & quamvis alias nomen  
consuetudinis absolute prolatum non ne-  
cessariò, & indefinite debeat intelligi præ-  
scripta; si tamen versemur, ut in præsen-  
ti, circa materiam acquisitæ facultatis, seu  
juris, aut natæ obligationis, nomine con-  
suetudinis intelligenda est legitimè præ-

scripta: quia per eam solam jus nascitur,  
aut obligatio alteri imponitur. Vid. Suar-  
ez de legib. l. 7. c. 8. à nu. 17.

Ex eodem c. *cumana* sequitur, eum,  
qui est in possessione unius juris eligendi,  
non eo ipso esse in possessione alterius à  
priori separabilis, constat ex casu in cit. c.  
proposito: nam licet Clerici, qui non sunt  
de Capitulo Ecclesiæ, de cuius Prælati elec-  
tione agitur, probent se consuevisse cum  
aliis eligere Scrutatores; ex hoc tamen  
non satis censebantur probasse, se per illam  
consuetudinem obtinuisse, *jus dandi suffragia pro Prælato*. Cùm enim hoc sit  
contra jus commune, ac exorbitans, cer-  
ta etiam postremi juris requiritur proba-  
tio, ut habet ex c. *constitutis*, 47. h. t.

Dixi 2. valere electionem, factam ab  
Electore *presumpto*, ex possessione, vel  
quasi possessione juris eligendi; quod intel-  
lige, si possessio sit bona fidei. Nam se-  
cūs est, si sit mala fidei. Tunc enim suf-  
fragium ejus non valet; quia mala fidei  
possessor nullum ex possessione sua com-  
modum, seu fructum percipere debet, L.  
*mala fidei*, C. *de conditione ex lege*. Quam-  
obrem etiam ipso contradicente utiliter  
fiet protestatio, quod ejus suffragium vale-  
re nolint, nisi de jure, vel consuetudine  
præscripta valere debeat, ut hic Innocen-  
tius tradit num. 4. V. *protestatione*.

1827. Quæstio est 3. penes quos sit jus eligen-  
di in sacerdotalibus? Resp. esse penes Cano-  
nicos, puberes, & sanæ mentis. Nam  
impuberis (sine distinctione, an malitia  
suppleat, vel non suppleat atatem, cùm  
Canones non distinguant) carent suffra-  
giō, c. ex eo, 32. h. t. in 6. ubi Bonifacius  
VIII. cuidam Ecclesiæ Cathedralis Ca-  
nonico, *in pupillari atate constituto*, &  
conquerenti, quod cum aliis Canonicis  
ad electionem Episcopi non fuerit vocatus,  
respondit: ex eo, quod ad electionem Epi-  
scopi, *qua te in pupillari atate*, in tua Ec-  
clesia exitit celebrata, cum cæteris ejus-  
dem Ecclesiæ Canonice non fuisti admis-  
sus: *de contemptu conqueri, aut electionem*  
*eandem impugnare non potes*. Cùm tam  
juri, quam rationis existat: *ut tales* (cùm  
discretione careant) *ad praestandum in elec-*  
*tione suffragium nullatenus admittantur*.  
Ex quo vides, non obstare, non esse voca-  
tos; Zoëlius in tit. de elect. num. 3. in Re-  
gularibus autem penes Monachos, vel ex-  
pressè

*Eterni Patris Anno 1621. XVII. Kalend. Decemb.*

1829.

pressè, vel tacitè professos, cit. c. ex eo; non tamen penes laicos, seu conversos, cùm hi non sint in Sacris; Zoësius cit. num. 7. & patet ex textu cit. c. 32. ibi: in Ecclesiis quoque Regularibus, vel monasteriis, ij, qui non sunt tacitè vel expressè professi, non debent cum professis, vel conversis laici cum Clericis electionibus interesse, nisi consuetudo diurna aliud præscriperit; quando autem in c. Massana, 56. eod. reprobatur consuetudo, qua laici cum Clericis electionem faciant, sermo est de laicis secularibus, non Regularibus, & conversis.

Quæstio est 4. an, si habeantur sufficiētia suffragia electorum habilium, electio vitietur ex eo, quod inter electores sit unus inhabilis, v. g. excommunicatus? Respond. quod non, argum. c. cùm Wintonensis 25. b. tit. ibi: nos igitur attenderes, quod isti post primam electionem ad miserant illos, ad celebrandam secundam, & quod decretum Concilij memorati decrevit hujusmodi præsumptores una vice duntaxat eligendi potestate privatos, quoniam electio, quam coram nobis celebrare volebant, non jam secunda, sed tertia concurrebat: ad eligendum illos censimus admittendos. Nam utile per inutile non vitiatur; intellige, quando separari possunt; sed hoc intellige, si excommunicatus sit ignoranter admissus ad electionem; Zoësius cit. num. 8. sermo autem est de excommunicatione majori: si autem scienter, & voluntariè sit admissus, censet Zoësius cit. num. 9. in praxi non esse recedendum à communione, docente, illo casu electionem vitiare; quod tamen limitat jure novo ad casum excommunicati scienter & voluntariè admissi, qui non sit tolleratus, juxta Extravagant. Martini V. ad evitanda; quia valor electionis tali casu non est tam in favorem excommunicati, quam communitatis. Idem procedere vult in excommunicato occulto, arg. L. Barbarius, ff. de offic. Pratoris, & in excommunicato denuntiato, sed ignorato; Abbas in c. ad nostram de jure jurando. Cardinalis tamen etiam nominatim excommunicatus, seu denuntiatus, repellere non potest ab eligendo Papa, per Clementin. 2. §. ceterum de elect. ut evitetur schisma; & confirmatur ex constitutione Gregorij XV. incip.

Tom. I.

Quæstio est 5. an suspensus sit inhabilis ad eligendum? Resp. quod non, intellige, nisi sit suspensus ab officio, & denunciatus; sic Abbas in c. cùm inter, b. tit. n. 6. Zoësius cit. num. 15. Nam suspensio ab officio intelligitur non tantum quoad potestatem ordinis, sed etiam jurisdictionis; idem dic de suspensiō simpliciter. Similiter interdictus non privatur jure eligendi, quia haec pena est solū quoad divina officia, nec extendi debet; excipe, nisi violaverit interdictum personale, vel locale, c. 1. de postulat. Präl. c. is, qui,

Q. is verò de sentent. excommunicat. Par ratione valida est electio facta ab irregulari; nam licet irregularitas faciat inabilem ad beneficia obtinenda, non tamen privat ipso jure obtentis, nec fructibus, inter quos numeratur potestas eligendi; Zoësius cit. n. 17.

1830.

Quæstio est 6. quæ sit pena scienter eligientium indignum? Resp. eos, qui scienter indignum elegerunt, pro illa vice privatos esse facultate eligendi, & tali causa eligendi esse penes alios Capitulares, qui in electionem indigni non consenserunt, licet numerò pauciores sint, ex cit. c. Wintonensis, & Abbas ibidem num. 2. Vid. num. 1803. quod verum est, etiam unicus superesset, qui non consentit in indignum, glossa in c. perpetuò, 7. hoc tit. in 6. sed hoc accipe, se sequatur electione: non autem, si securus, ut constat ex textu hujus. 7. ibi: perpetuò sanctionis oraculo declaramus, quod scienter in electionibus nominantes indignum, propter suffragium in scrutinio praeditum (nisi a deo in eo persistenter, quod ex votis eorum communis electio subsequatur) nequam eligendi potestate privantur. Licet pro eo, quod indignum nominandum, scienter contra conscientias suas agunt: & divinam vindictam, & Apostolicę ultionis metum (quem qualitas facti suaserit) possint non immerito formidare.

In quæstione autem, an quis præsumatur, scienter indignum elegisse negat Molina de jure primogenit. l. 2. c. 4. n. 48. affirmit verò Sarmiento apud Zoësius cit. n. 19. per L. qui cum alio, 19. ff. de reg. juris, ubi, qui cum alio contrahit, gnarus esse debet conditionis ejus, & per c. fin. §. si quis

D d d 2

Clan-

*Clandest. despōns.* ubi in simili præsumitur ignorantia affectata; & ideo in c. *innotuit*, 20. de elect. ejusmodi ignorantia probanda est, secundum dicta alibi. Et quamvis verum sit, quod præsumatur ignorantia, ubi scientia non probatur, reg. 47. in 6. hoc tamen non procedit, quando quis ex officio tenetur inquirere de alieno facto c. *quamvis*, 10. de reg. juris: ibi: non potest esse Pastoris excusatio, si lupus oves comedit, & pastor nescit; & ideo eadem pena procedit in scienter confirmante indignum c. *postquam*, 3. & c. *nihil* 44. h. t.

1832. Questio est 7. an electio Episcopi, vel Prælati Ecclesiastici, facta sive à solis Laicis, sive simul cum Clericis, teneat, in quantum est à Laicis? Resp. quod non; & quidem sic, ut electioni per eosdem se factæ consentiens hoc ipso sit inhabilis, c. *quisquis*, 43. b. t. ibi: *quisquis electioni de se factæ per secularis potestatis abusum consentire præsumperit, contra canoniam libertatem: & electionis commodo careat, & ineligibilis fiat, nec absque dispensatione ad aliquam valeat eligi* (dignitatem) qui verò electionem huiusmodi, quam ipso jure irritam esse censemus, præsumperint celebrare, ab officijs & beneficijs penitus suspendantur, per triennium eligendi tunc potestate privati, &c. *Mafsanā*, 56. eod. ibi: edicto perpetuo prohibemus, ne per Laicos cum Canonicis Pontificis electio præsumatur. Quæ si forte præsumpta fuerit, nullam obtingeat firmatatem, non obstante contraria consuetudine, quæ dici debet potius corruptela. Quod verum est etiam de electione Prælati inferioris, licet ita cit. c. fiat mentio solum de electione Episcopi. Nam ratio decisionis ibi data, quia *jus eligendi non cadit in Laicum*, communis est etiam illis electionibus; intellige autem, si Laici admittantur ad coeligionem; non autem, si præcisè ad interessendum propter utilitatem Ecclesiæ, &c. per Laicos autē hīc intelliguntur seculares, cit. c. *quisquis*, b. t. Nec ejusmodi Laicos juvat consuetudo, aut præscriptio; cūm hæc requirat possessionem, cuius sunt incapaces Laici, ut nec possit ijs concedi per Capitulum, c. *Sacrosancta*, 15. h. t. nam compositio, à quibusdam Abbatibus Cluniacen. facta cum Comite de Varenna, ut in optione Comitis esset,

unum de duobus, quos Abbas duxerit nominandos, ad Prioratum Ecclesiæ, cuius ipse Patronus erat, à Pontifice reprobata est, ut habetur in cit. c. ibi: attentes itaque, quod *jus eligendi in Collegiata Ecclesia non cadit in laicum*, & ideo id esset perniciosum exemplo, & redundaret in dispendium Ecclesiastice libertatis: volumus, ut dictum Prioratum liberè possis (non obstante compositione ipsa) sicut alios Prioratus tibi subditos ordinare, denuntiando ordinationem factam Patro-  
no, ut suum, si voluerint honestum im-  
partiatur assensum. Nec obstant, quæ leguntur in Decreto de jure olim Imperato-  
ribus concesso, eligendi sumnum Pon-  
tificem; hodie enim illis hoc ademptum  
est, ut pluribus ostendit Zoësius loc. cit. n.  
22. Advertente tamen juxta Pirhing de  
elect. n. 18. electionem factam à Clericis  
simul & Laicis, probabiliter valere ex so-  
lis suffragijs Clericorum, si non consentiant  
in suffragia Laicorum, vel ignorantem  
illos admittant, vel quia prohibere non  
possunt, vel quia per gravem metum coa-  
cti sunt illos admittere; quia (saltem in  
casu protestationis contrarie) utile per  
inutile non debet vitiari, quando ab in-  
vicem separati posseunt, arg. c. fin. de pro-  
curat. Et ideo hodie jus eligendi sum-  
num Pontificem est penes Cardinales, à  
quibus electus, non alias, pro Pontifice  
habendus est, quād si duas præsentium  
partes in eum consentiant, c. licet, 6. h. t.  
& pluribus c. 3. eod. in 6. cum Clem. 2.  
cod.

Questio est 8. an etiam electio, vel in-  
stitutio Canonici in Ecclesiis Cathedrali-  
bus fit penes Capitulum? Resp. creationem,  
vel collationem Canoniciatum in  
Ecclesiis Cathedralibus de jure communi  
spectare vel ad Episcopum simul, & Capitu-  
lum, ut tradit glossa in c. *cum Ecclesia*,  
31. h. t. V. postulavit; vel ad solum Epi-  
scopum de consilio Capituli, c. *cum ex in-  
juncto, de heretic. c. 1. de Capell. Monach.*  
arg. c. Novit, de his, quæ sunt à Prælat.  
Si præbenda Canonicales sint creatæ, vel  
institutæ ex communibus bonis Ecclesiæ,  
æquum est, ut collatio Canoniciatum fi-  
at cumulativè ab Episcopo, & Capitulo;  
& sic esse institutas, præsumuntur, si præ-  
benda non sint patronatae; si autem ha-  
beant Patronum, præsentatio ad hunc,  
insti-

institutio ad Episcopum pertinet; Abbas in c. Ecclesia cit. n. 4. Dixi: de iure communia. Nam, de consuetudine ad solum Capitulum pertinere potest, c. cum Ecclesia, cit. ibi: absolvere studeas Canonicos saepe dictos, maximè, si sit notorium, quod in Thuscia generalis consuetudo servetur, ut in cathedralibus Ecclesias solum Capitulum, irrequisito Episcopo, eligendi Canonicos habeat facultatem.

Not. autem, si Ecclesia sit non numerata, hoc est, si in ea non sint distinctae præbendæ, nec certus, nec determinatus numerus Canonorum, seu Conventualium, & per negligentiam eorum intra sex menses non provideatur, potestatem providendi non devolvi ad Superiorem ipso jure (quia tales præbendæ non consentur vacare, c. ex parte, 10. de concess. præbend.) neque ipsum posse supplere negligentiam Canonorum; glossa hic V. longo, id, quod breviter exponit Rubrica cit. c. Ex parte, ibi: in Ecclesiis non numeratis vacatio præbendarum, seu Canoniciatum possibilis non est: nec sit ibi devolutio ad Superiorem ex negligentia semestri in non providendo Ecclesie de ministris: posse tamen à Superiore, v. g. Episcopo, certum tempus assignari Canonicis, intra quod Ecclesia de necessarijs Ministris provideant, alioquin eo elapsò poterit ipse providere, arg. c. irrefragabili, 13. §. Excessus, de offic. ordin. ubi Pontifex loquens de negligentia Capituli in corrigendis excessibus Canonorum, ait: excessus tamen Canonorum Cathedralis Ecclesie, qui consueverunt corrigi per Capitulum, per ipsum in illis Ecclesiis, qui talern habent consuetudinem habuerunt, ad comonitionem, vel iussionem Episcopi corrigantrum intra terminum competentem ab eo præfigendum: alioquin ex tunc Episcopus, Deum habens præ oculis, ipsos, ut animarum cura requirit, per censuras Ecclesiasticas corrigerem non postponat.

### ARTICULUS III.

#### De qualitatibus requisitis in elegendo ad Pralaturam.

1834.

**D**E his agitur in c. Cum in cunctis, 7. b. t. quod desumptum est ex Concilio Lateranensi, ubi Alexander III. sic lo-

quitur: cum in cunctis sacris ordinibus, & Ecclesiasticis ministerijs, sint atatis maturitas, gravitas morum, & literarum scientia inquirenda: multò fortius in Episcopo haec oportet inquiri: qui ad curam aliorum positus, in se ipso debet ostendere, qualiter alios in Domo Dei oporteat conversari. Eapropter, ne, quod de quibusdam pro necessitate temporis factum est, trahatur à posteris in exemplum: praesenti decreto statuimus, ut nullus in Episcopum eligatur, nisi qui jam trigesimum annum atatis exegerit, & de legitimo matrimonio sit natus, qui etiam vitâ & scientiâ commendabilis demonstretur. Ex quo vides legalem atatem ad consequendum Episcopatum requisitam, esse annum trigesimum completum, quod in Episcopo est speciale. Nam in alijs dignitatibus inferioribus, tam Ecclesiasticis quam sacerdotalibus, sufficit, annum à lege, vel canone præfixum, esse inchoatum, ut notat glossa. Cū in cunctis, V. exegerit. Sed plura de qualitate atatis dicentur infra, tit. 14. de atat. qualit. in ord. præficiend. Quamvis autem glossa in c. unic. de atat. & qualitate, in 6. V. compleverint, asserat Episcopum esse posse, qui trigesimum ingressus est annuni, ed quod verbum exegerit, cit. c. cum in cunctis, non judicet perfectum tempus; tamen requiri compleatum, seu annum trigesimum expleuisse, expressis verbis declaravit Gregorius XIV. constitutione suâ publicâ, 15. Maij, 1591. apud Barbosam in cit. c. cum in cunctis, à n. 16. ubi eandem atatem requiri in promotione ad Cardinalatum, deducit ex Tridentino sess. 24. de reform. c. 1.

#### §. I.

#### De Scientia literarum, requisita in promovendo.

**C**Ircum istam qualitatem multa salubria prescripta sunt. Jure communi in cunctis. c. cum in cunctis, in promovendo ad Episcopatum, exigitur scientia conveniens, nimurum statui, & muneri, licet non sit eminentia, c. nobis 19. modò sufficiens. Tridentinum etiam de reform. sess. 22. c. 2. ait, talem ejusmodi scientiâ pollere debere, ut satisfacere possit necessitati munericibz imponendi. Et quamvis absolute loquen-

1835.

D d 3

d